

# *VHAHEVHERU,*

## *NDIMA YA VHUVHILI* <sup>2</sup>

... rangani nga u ḏa, huno ni gude Mañwalo, uri a kone u a vhambedza huno a kone u vhona arali o vha a Ngoho kana hai. A i dzhia, Ngoho, nga Thestamente ya Kale. Zwino, Paulo o vha a mutshudeni wa Thestamente ya Kale. Ndi vhangana vho no zwi ḏivha izwo? [Tshivhidzo tshi ri, "Amen."—Mudz.] O pfumbudzwa phasi ha muñwe wa matshudeni a khwiñe a ḏuvha lawe, Gamaleo, mutshudeni wa ndivho nnzhi. Huno Paulo o vha a tshi ḏivha Thestamente ya Kale. Huno ndi elekanya uri u dzinginya hawe ha u thoma, vhunga ndo amba ano matshelonni, musi a tshi ḥanziela lufu lwa Stefane. Tshinwe tshithu tshi nga vha tsho fara Paulo, ngauri kha u ḥwala hawe hothe o dzulela u sumba khazwo, "A tho ngo fanelwa, ngauri ndo tovhola Tshivhidzo u swika lufuni. Ndi muñku vhukati havho."

<sup>95</sup> Oo, fhedzi Mudzimu o vha a na ngelekanyo dzo fhambanaho dzazwo. O vha a muñwe wa vhanna vha maända vha ilo ḏuvha.

Vhonani Paulo Mukhethwa, muapostola  
muhulu  
Nguvho yawe i tshi penya nga maända na u  
naka, (murendi o ralo)  
Oo, hu tea u vha na u huwelela  
Musi rothe ri tshi ḥanganana Henefho.

Ilo ḏuvha lihulu musi ndi tshi mu vhona a tshi ḥanganedza khare yá u vhulawa, malamba a muvhulawa!

<sup>96</sup> Ndo ima tsini na heļi danga la kale, a si kale, he a ḥwala haya Marifhi. Huno-ha vha tumula thoho yawe. Huno vha mu džhenisa kha tshampungane, uri a ḥanzwe tshampungane. Huno hoyu Muyuda muñku henefho, a ri, "Kha muvhili wanga ndo hwala tswayo dza Yesu Kristo. Ndo lwa na mavhanda ngei Efesa, fhedzi ndo lwa nndwa ya vhuđi. Ndo fhedza lwendo. Ndo fara Lutendo. Huno-ha, ndo vhetshelwa khare ya u luga, ye Murena, Muhaṭuli muvhuya, a do mmpha nga ilo ḏuvha. Huno hu si nne fhedzi, fhedzi vhothe vhanne vha funa u vhonala Hawe." Izwo ndi zwi funa hani! Oo, ndi khou ḥoda u vhalwa na avho! Ro vha ri tshi imba luimbo:

Oo, naa ni do vhalwa sa muñwe wa danga  
Lawe?  
Naa ni do vhalwa sa muñwe wa danga Lawe?  
Ivhani a si na tshilavhi nga ngomu, lavhelesani  
na u lindela uho u vhona ho raloh;  
U khou vhuya hafhu.

<sup>97</sup> Ndi khou ṭoda u vha muñwe wawho. Zwino muñwali u isa phanda, a tshi ri:

*Zwo ralo ri khou tea u neya . . . u thetshesela huhulu  
kha zwithu zwe ra zwi pfa, ri sa do ralo u zwi litsha zwa  
ponyoka.*

<sup>98</sup> Vhunga ro funza nga izwo, ano matsheloni, ndimana ya 2 i shumana nazwo, “Arali . . .”

*Ngauri arali ipfi lo ambiwaho nga vharuñwa . . .*

<sup>99</sup> Ri wana uri vharuñwa ndi mini? Vhaporofita. “Mudzimu zwifhingani zwa kale o amba . . .” Zwino, ni tea u ita, hu si kupfesesele kwashu, fhedzi Bivhili. Zwino ndima ya 1, ya . . . ndima ya 1, ndimana ya 1.

*Mudzimu, zwifhinga zwa kale . . . nga ndila dzo  
fhambanaho o amba . . . na vhokhotsi nga vhaporofita,*

<sup>100</sup> Zwino hafha i ya phanda i tshi ri, huno ya dovha hafhu ya ralo.

*Ngauri arali ipfi lo ambiwaho nga vharuñwa lo  
ima . . .*

Huno muruñwa zwi amba mini? “Murumiwa.” Arali Mudzimu o dolisa murumiwa . . . Huno-ha arali ra doliswa, ri vharumiwa vha Mudzimu. Ri vharumiwa kha shango, vhaimeleli vha Tađulu, ri tshi tanziela uri ri vhafhiri na vhatsinda. A ri vha lino shango. Fhedzi ri ṭoda Dorobo i qaho, ine Mufhaṭi wayo na Muiti wayo ndi Mudzimu. A ri vheyi lupfumo kha lino lifhasi, hune mbava dza kwasha, na vhulale, na u rosa, na zwi sinaho. Ngauri, lupfumo lwashu lu dzula Tađulu, hune Yesu o dzula kha tshanda tshaula tsha Muṭhomphei. Oo, zwithu zwi hani nahone zwi takadzaho, u divha izwo:

Fulufhelo ḥashu a lo ngo fhaṭiwa kha tshiñwe  
tshithu

Nndani ha malofha na u luga ha Yesu;  
Musi zweṭhe zwo monaho na muya wanga zwi  
tshi neta,

Zwenezwo ndi Ene fulufhelo ḥanga ḥoṭhe na  
vhudzulo hanga.

Kha Kristo, Tombo lo khwaṭhaho, ndi a ima;  
Miñwe midavhi ndi muṭavha u  
mbondomelaho,  
Miñwe midavhi ndi muṭavha u  
mbondomelaho.

<sup>101</sup> Eddie Perronet o ñwala hani ulwo luimbo, nga zwifhinga zwa mitovholo!

*Zwino, arali ipfi lo ambiwaho nga vharuñwa lo  
ima . . . (Musi murumiwa wa Mudzimu a tshi amba*

Ipfi, Lo ima.)...huno malamba othe o *tanganedza ndambedzo yo teaho*;

Zwino *ri do ponya hani, arali ra sa pfa Kristo, Ane a amba u bva ngei Tađulu?*

Zwino lavhelesani.

*Ri do ponya hani, arali ra dzhieila fhasi uho u tshidzwa huhulu;... (Elekanyani ngazwo.)...hune u rangani haho ho ambiwa nga Murena,...*

<sup>102</sup> Kristo o thoma mushumo Wawe. O ita mini? Ro Mu lavhelesa, uri O ralo hani... u ditukufhadza, u swikeleleya, uri O vha a si muthu muhulu a dzhielwaho nt̄ha sa rathiolodzhi. Fhedzi o vha wa u dițukufhadza, wa u dzika, wa vhulenda. O vha a si mureri wa maanda. Ipfi Ławę a lo ngo pfiwa tshițaračani.

Fhedzi Yohane o tshimbila sa ndau i vhombaho. O vha a mureri.

<sup>103</sup> Yesu o bvelela, hu si sa ndau i vhombaho, fhedzi Mudzimu a tshi khou shuma Nae, a tshi khwathisedza Ipfi. Mudzimu o vha a na Kristo. Petro o ri, nga Duvha la Pentekoste, "Vhoinwi vhanna vha Israele, na vhoinwi ni dzulaho Yudea... Yesu wa Nazareta, Muthu o khwathisedzwaho nga Mudzimu vhukati hanu, nga zwiga na vhutolo na madembe, zwine Mudzimu o ita Ngae, vhukati ha vhoinwi nothe, zwine nothe ni dzihanzi." Lavhelesani uri o zwi dzenisa hani khavho. "No vha no tea no Mu diňva."

<sup>104</sup> Yesu o ri, "Vhoinwi vhadziatshimbevha." A ri, "Ni ya nn̄da na lavhelesa kha duvha, huno na... Ndi litswuku nahone li khou dimuwa, ni ri, 'U khou ya u vha mutsho u si wa vhudi.' Huno arali li tshi khou penya nahone li tshi fhisa, kana zwiňwe, ni ri, 'U khou ya u vha mutsho wa vhuđi.'" A ri, "Ni kona u ćalukanya lutombo, fhedzi zwiga zwa tshifhinga, a ni koni u ćalukanya. Ngauri arali no Nndivha, ndi musi no diňva duvha Łanga."

<sup>105</sup> Oo, ndi zwe O vha a tshi do vhidzeleta madekwana a namusi. Muya Wawe u huwelela hani kha vhareri Vhawe, "Awara yo swika!"

Ri a ćalukanya. Ri lavhelesa dzibomo dza athomo. Ri a diňva uri ndi nnyi ane a khou ya u dzhia vhuimo ha Clark Gable, na ane a khou ya u ita *izwi, izwo*, kana *zwiňwe*; kana uri ndi nnyi ane a do vha muthusa phuresidenthe. Izwo ri a zwi takalela, fhedzi a ri koni u ćalukanya zwiga zwa tshifhinga. Ri vhufheloni.

<sup>106</sup> Ndi mini? Ri takalela nga maanda kha izwi, "Uri hu tevhela mini kha thelevishini? Uri Susie u khou ya u ita mini?" kana uri dzina la uyo musadzi ndi nnyi. "Na hune Arthur Godfrey a khou ya hone? Uri u khou ya u amba muswaswo wa lushaka lufhio?" Rine, sa Vhakriste, ri tshikafhadza mihibumbulo yashu nga ayo maloto, ngeno ro vha ro fanelwa u vha ri kha thabelo huňwe

fhethu, nahone ri tshi khou vhala Bivhili, uri ri ḋivhe zwiga zwa tshifhinga tshine ra khou tshila khatsho.

<sup>107</sup> Ndi mini tshi no ita izwo, tshifhinga tshinzhi, ndi phuluphithi i si na nungo, ndi zwone, i sa dzheni fhasi huno ya disa Ngoho ya Mafhugo madifha. Ri khou ya u zwi fhindulela maduvhani a no khou da. A ri tei u dzhiebla fhasi tshithu. Huno vhatshu, vhunga ri fhano kha ino Thaberenakele ya Branham, uri ri vhone zwiga na vhuṭolo, na maanda a Kristo o vuwaho; na u ḋivha uri ri do vheya zwashu—zwifhinga zwashu kha zwiñwe zwithu, huno ra litsha u pfa Ipfi la Murena Yesu, “Ri do ponya hani, arali ra dzhiebla fhasi uho u tshidzwa huhulu?”

<sup>108</sup> Ndimana ya vhu 3, kana ndimana ya vhu 4. Hafha ndi hone he ra guma, kha ndimana ya vhu 4, ano matsheloni.

*Mudzimu o ḥanziela-vho, . . . (Oo, nne-nne!)*

*Mudzimu . . . o ḥanziela-vho, . . .*

Thetshelesani Ipfi.

. . . nga zwiga . . . vhuṭolo, na madembe o  
fhambanaho, . . .

Mađembe o *fhambanaho* ndi mini? U *fhambana* ndi mini? U *fhambana* zwi amba “manzhi.” “Nga mađembe *manzhi*, Mudzimu o ḥanziela.” O Mudzimu! Ndi fulufhela uri Zwi do dzhena mbiluni dzañu. Thetshelesani.

<sup>109</sup> Ndi muñwe wa vhafunzi vhañu, na Mukomana Neville hafha. Ndi khou ṭoda ni tshi Zwi isa kha rekmodo. Bivhili yo ri, “Arali ha vuwa vhukati hanu, huno a ri *zvikene na zwikene*, huno zwi si bvelele, ni so ngo zwi pfa, ngauri A tho ngo amba. Fhedzi arali a amba Dzinani Langa, huno zwine a amba zwa bvelela, zwenezwo Zwi pfeni.” Amen. “Ngauri Ndi na uyo muporofita, kana mureri, hu nga vha gai kana gai. Arali zwine a amba zwa vuledzea, zwenezwo ni mu pfe.”

<sup>110</sup> Zwino, khonani, kha ri Mu pfe, Muya Mukhethwa u khou amba vhukati hashu, u tshi sumbedza madembe o fhambanaho, na zwiga, na vhuṭolo. Ri so ngo Zwi fhira sa zwine zwa khou sokou itea. Kha ri elelwé uri Ndi Yesu Kristo, a sa shanduki mulovha, ḥamusi, na lini na lini; a tshi khwaṭhisiedza Ipfi Lawe. Ri tea u zwi ita. Oo, ndi a humbela zwi iteni. Dzhielani nzhele. Tendelani tshinwe na tshinwe tshi vhe tsha vhuvhili, na haya hanu, munna wañu, mufumakadzi wañu, vhana vhañu. Hu nga vha mini kana mini, tshi iteni tsha vhuvhili. Vheani Mudzimu phanda. Ni ri, “Mukomana Branham, nthia ha vhana vhanga?” Nthia ha tshinwe na tshinwe. Vheani Mudzimu phanda. Mu tendeleni a vhe wa u thoma.

<sup>111</sup> Elīiya o tsa thavhani, liñwe ḋuvha. O vha a muruñwa, murumiwa, murumiwa wa Mudzimu, o doliswa. Huno a wana musadzi wa tshilikadzi a tshi khou doba thanda mbili. A ri, “Tshimbila, u nnyitele khekhe, nahone u nkele mađi mañku.”

<sup>112</sup> Huno a ri, "Tenda maya wau u tshi tshila, ndi tou vha na khekhe yo eðanaho, kana tshimbundwa tsha goroi yo eðanaho, u ita makhekhe mañku. Nahone ndi tou vha na mapfura o eðanaho u ita izwo, u i ðanganyisa, u itela u pfufhifhadza. Huno ndi khou hwala thanda mbili." Ndila ya kale yo vha yo ralo, ndi ndila ya India, ya u ðanganyisa thanda huno dza vhasiwa vhukati, huno na isa phanda na u dzi kuðedza. Ndo no ita mulilo wa gammba nnzhi nga u ralo. A ri, "Huno ndi khou ya u ita iyo khekhe ðukhu u itela nñe na mutukana wanga, lushie lwanga. Huno ri khou ya u i la huno ra fa." Ho vha hu na gomelelo lwa miñwaha miraru na miñwedzi ya rathi, hu si na madi.

<sup>113</sup> Ula wa u omela, muporofita wa kale, a lavhelesa uyo musadzi kha tshifhañuwo. A ri, "Tshimbila, u range u itela nñe khekhe." U laiwa ha hani, munna a tshi khou vhudza musadzi wa tshilikadzi, ane a khou fa nga ndala, uri a thome u kanzwa ene. O ri mini? "Ngauri ARALO MÀ AMBA MURENA, mvuvhelo yau a i nga fheleli, nahone ndilo a i nga omi, u swika Mudzimu a tshi nisa mvula kha liphasi."

Tsha u thoma, Mudzimu. A dzhena nga ngomu huno a baka khekhe thukhu, huno a ña a i neya muporofita. A humela murahu a baka iñwe, a dovha iñwe, na iñwe hafhu, na iñwe hafhu. Huno mvuvhelo i si fhelelwe, kana ndilo i si ome, u swika Mudzimu a tshi rumela mvula kha liphasi. O vheya Mudzimu phanda ha vhana vhawe. O vheya Mudzimu phanda ha zwiñwe zwoñhe. O dzhia Muvhuso wa Mudzimu, u thoma.

<sup>114</sup> Mudzimu u tea u vha na fhethu ha u thoma mbiluni yanu, fhethu ha u thoma kha vhutshilo hanu, fhethu ha u thoma kha tshini na tshini tshire na ita kana zwine na vha zwone. Mudzimu u tea u vha wa u thoma. Ha ñodi vhuimo ha vhuvhili. Ha fanelwi nga vhuimo ha vhuvhili. U fanelwa nga zwa khwiñe, nahone zwa u thoma, nahone zwoñhe zwine na vha nazwo. U fanelwa ngazwo. Kha hu rendwe Dzina Lawe likhethwa!

Ngauri Mudzimu na ene o khwathisedza . . . u ðanziela, o neya vhutanzi, nga zwiga na vhuñolo, . . . maðembe o fhambanaho, na mpho ya Muya Mukhethwa, zwi tshi tevheda lufuno lwawe ene muñe?

<sup>115</sup> Hu si zwine vhanna vha amba, zwe tshivhidzo tsha amba, fhedzi zwe lufuno lwa Mudzimu lwa vha lu zwone. Oo, ri tea u zwimana na lufuno lwa Mudzimu, hu si u takalela ha mudzulatsini wañu, hu si u takalela ha vhana vhanu, hu si u takalela ha munna wañu kana mufumakadzi wañu. Fhedzi, zwimani lufuno lwa Mudzimu, nahone ni thome nga u ita izwo. Huno-ha zwiñwe zwoñhe, lufuno lwa mufumakadzi na lufuno lwa vhana, lu ño tevhela izwo. Fhedzi, rangani nga u vheya Mudzimu.

<sup>116</sup> Lavhelesani, zwino.

*Ngauri shango li daho ho ngo li vheya fhasi ha vharuňwa, line ra amba ngalo.*

<sup>117</sup> Nga iñwe ndila, Vharuňwa vhahulu vha shumelaho ngei Maṭadulu, Gabriele, Mikaele, Woodworm, na Vharuňwa vha Tađulu vha zwigidi zwi na fumi vha tshi vhalwa lwa zwigidi zwi na fumi; kana vhaporofita vha madana a na mahumi vhe vha da kha lifhasi, muňwe na muňwe wavho; Ho ngo vheya na muthihi uri a lange shango li daho, line ra amba ngalo. Na muthihi! Ho ngo vhuya a ri, “Yesaya, u do langa shango.” Ho ngo vhuya a vheya shango fhasi ha Eliya. Na kha Gabriele Ho ngo ralo, kana muňwe muruňwa, myua wa vhushumeli na muthihi.

<sup>118</sup> Lavhelesani zwe a amba, Paulo, u kha dihulisa Kristo, zwine ra amba ngazwo.

*Fhedzi muňwe huňwe fhethu o ḥanziela, a tshi ri, Muthu u tou vha mini, ane iwe wa mu humbulela? kana murwa wa muthu, ane iwe wa do mu dalela?*

*Iwe wo mu ita a vha fhasinyana ha vharuňwa; iwe wo mu ambadza khare ya vhugala na ya khuliso, nahone wa mu vheya n̄tha ha mishumo ya tshanda tshau:*

<sup>119</sup> Zwino, arali ni khou ḥoda u vhala izwo, ndi Dziphisalema 8:4-6, ndi Davita a ambaho. Zwino o vhidza Davita mini afha? Izwo zwi a li dzudzanya, heneffo, arali ndo vha ndi tshi khou amba zwone ano matsheloni, nga muporofita.

<sup>120</sup> O ri, “Ngauri muňwe wa vharuňwa o amba huňwe fhethu.” Davita, murumiwa wa Mudzimu, o vha a muruňwa wa Mudzimu, ngauri o vha a murumiwa wa Mudzimu. Muruňwa o ri, Davita o ri, kha Dziphisalema, “Iwe wo Mu ita uri a vhe fhasinyana ha ha Vharuňwa vha Tađulu.” Muruňwa o ri Mudzimu o Mu ita a vha fhasinyana ha Muruňwa, uri A kone u Mu ambadza khare; na uri A tambule na u thetshela lufu, uri a huliswe hafhu. Uri A kone u Mu ita ene... a vhe mulaifa wa zwithu zwe the zwa shango. [A hu na tshitihu kha theiphi—Mudz.]

<sup>121</sup> Zwino, kha—kha Mateo 28:18, ri vhala hezwi. Nga murahu ha musi O no vhambiwa nahone o no vuwa nga ḫuvha la vhuraru, O ḥangana na vhabunziwa Vhawe nahone a vha laedza uri vha ye kha shango ḥothe, uri vha funze Mafhungo madifha kha tshivhumbwa tshiňwe na tshiňwe. O ri, “Maanda othe kha Liṭadulu na kha lifhasi o netshedzwa zwandani Zwanga. Maanda othe kha Liṭadulu, maanda othe kha lifhasi, o netshedzwa Nne.” Ho vha hu mini? Muthu na Mudzimu vho vha tshitihu tshitihhi. Logos yo itwa ḥama nahone yo vhulawa, huno ya vuwa hafhu u itela u luga hashu, huno-ha ya vha Emmanuel o doliswaho u ya nga hu sa fheli. Mudzimu o shandukisa vhudzulo Hawe, u bva kha Khuluqoni tshikhali ngei, u da kha mbilu ya Murwa Wawe, Kristo Yesu, uri a tshile na u vhusa u ya nga hu sa fheli. “Mudzimu o vha a kha Kristo.” Ndi Ene vhuawelo ha u fhedza ha Muya.

<sup>122</sup> Muya wo dzula kha thaberenakele, linwe duvha, izwo ni a zwi divha, phasi ha dennde. “Huno Salomo a Mu fhaṭela nnđu. Fhedzi, fhedzi-ha, wa ngei N̄tha-n̄tha ha dzuli kha nnđu ‘yo itwaho nga zwanda.” “Fhedzi muvhili Iwe wo Nndugisela.”

<sup>123</sup> Ngei kha Bugu ya Mishumo, ndima ya vhu 7, musi a tshi khou amba, o ri, “Vhothe vho dzula vho Zwi vhona. Vho Mu fhaṭela nnđu, Mushe o ralo, o vha a na dennde, huno a vheya mbulungelo ngomu heneffo, ngauri Mudzimu o vha a kha Tshidulo tsha Khathutshelo. Ho ngo dzula afho.” Zwo luga.

<sup>124</sup> Zwenezwo, “Muvhili iwe wo Nndugisela,” muvhili wa Murena Yesu Kristo, wo itwa wa vha fhasinyana ha Vharunwa uri a thetshele lufu; huno a hu na muñwe fhedzi muhulusa wa Vhahulu, Kristo; Mukololo wa Mulalo, Khosi ya mahosi, Murena wa murena, Musiki wa ḥaledzi iñwe na iñwe kha linnđa.

<sup>125</sup> O Mudzimu! O vha phasi ha tsiko Yawe, uri A kone u rengulula muthu (a si na haya, muthu a sa koni u dithusa), huno a vha neya haya ngei Ṭadulu. O ṭutshela Liṭađulu la vhugala. O ṭutshela Dzina lihulu line li nga vhidzwa. Huno musi A kha lifhasi, muthu a Mu neya dzina la phasi le vha kona u Mu fha, vha ri, “O vha a ḥwana wa khangamutupo, na u rangani hazwo.” O bebelwa tshitumbani, o tandwa nga malabi a bvaho kha dzhogo ya phulu. A si na fhethu hune a nga ya hone, o vha a si na haya hune a nga ya hone. Huno a vhidzwa u pfi, “Belesebulu,” mukoma wa vhodiabolo. Ho ngo farwa zwa vhudi. O sehwa. Who ita miswaswo Ngae. O landulwa, nahone a ya mulongani wa phasisa, nahone a rembulutshela kha “Phombwe mmbi.” Hezwo ndi zwe muthu a Mu ita.

<sup>126</sup> Fhedzi Mudzimu vho Mu vusa a ya n̄tha lune A tou tea u lavhelesa phasi uri a vhone Liṭađulu. Muthu o Mu fha tshidulo tsha phasisa, a Mu fha fhethū huvhi, dzina la phasisa. Mudzimu vho Mu vusa nahone vha Mu fha Tshidulo tsha n̄thesa, na Dzina la n̄thesa. Heyo ndi phambano ye muthu a ita nga Murwa wa Mudzimu, na zwe Mudzimu a ita nga Murwa wa Mudzimu.

<sup>127</sup> O kotamela phasi, uri ri takulelwe. O vha riñe, uri riñe nga tshilidzi Tshawe ri vhe Ene. O da uri a vhe a si na haya, huno Ene muñe a si vhe na haya, uri ri vhe na haya. O da kha vhalwadze huno a itwa uri Ene muñe a lwale, uri riñe ri fhole. O da kha muitazwivhi, “huno a itwa tshivhi, Ene muñe,” uri riñe ri tshidzwe.

<sup>128</sup> Ngazwo O huliswa. Ngazwo A zwine A vha Zwone madekwana a ḥamus. Mudzimu o Mu hulisa, nahone maanda othe a Liṭađulu na a lifhasi o ḥewa Ene.

<sup>129</sup> Musi mushumo Wawé wa lifhasi wo fhela, fhano kha lifhasi... O da kha lifhasi, musi A tshi ralo, ḥaledzi masase ya Mu khwaṭisedza uri ndi Murwa wa Mudzimu. O dzinginyisa diabolo muñwe na muñwe we A ḥangana nae. Kha hu rendwe Dzina la Murena! Vhodiabolo vha a tetemela na u dzinginyea, na

u lilela khathutshelo, Vhuhoneni Hawe. Ee, muñe wanga. Hele yothe i a ñivha uri o vha a Ene Nnyi.

<sup>130</sup> O tshimbila nga u ñitukufhadza, O vha a si na fhethu ha u vheya ñohoho Yawe, nga madekwana a mvula. Phukha nthihi dze A sika, “Zwinoni zwa muyani zwi na zwiñaha, na phunguhwe dzi na mabako, fhedzi Murwa wa muthu ha na fhethu ha u vheya ñohoho Yawe ya vhudi.” Zwo tou ralo, O vha o ralo.

<sup>131</sup> O vha tshivhi, a vha wa fhasi na u ñutshelwa. Fhedzi vhodiabolo vho vha vha tshi ñivha uri o vha a Ene Nnyi. Vho lilela khathutshelo. Vho ri, “Ndi ngani U tshi ña u ri tambudza tshifhinga tshashu tshi sa athu u swika.” Huno musi vhareri vha tshi khou Mu vhidza, “Belesebulu,” na musweleli; vhodiabolo vho vha vha tshi khou Mu vhidza, “Murwa wa Mudzimu a tshilaho,” nahone vha lilela khathutshelo.

<sup>132</sup> Oo, ri nga ima hani lwa miniti! Ndi iwe nnyi, zwo ñiralo? Mushumo une wa vha nawo u amba mini? Kana iyo nndu ñukhu ine ra i langa i amba mini? Goloi ine ra i langa i amba mini?

<sup>133</sup> Musidzana muñuku wa u naka, inwi tshithu tshiñuku tsha musidzana, uho u vhonala huñuku hune na vha naho zwino hu amba mini? Vhoiñwi vhatthannga ni na a penyaho, mavhudzi a penyelelaho, mashada a vhudi; liñwe ñuvha ni ño kotama, musi ni tshi anda kha miñwaha.

<sup>134</sup> Fhedzi, kha hu rendwe Murena! Ni na muya wo bebwaho hafhu. Ni ño tshila u ya nga hu sa fheli, ngauri O vha inwi, uri inwi nga tshilidzi Tshawe ni vhe Ene, nahone a ni lugisela fhethu.

<sup>135</sup> Oo, riñe vhane ra elekanya uri ri na tshikhala tsha zwiñambaro, na zwiñiwa zwi si gathi ñduni, ri mini? Mudzimu a nga zwi dzhia nga miniti. Mufemo wanu wo fariwa tshandani Tshawe. Huno Ene vhukati hashu uri a fhodze vhalwadze, u vñila na u tanziela, na u dzula o amba zwa phanda, nahone tshifhinga tshothe zwi vha zwo khunyelelaho. Huno u na ndavha lwo edanaho u vhuisa ñukhu, khovhe yo faho murahu vhutshiloni hayo hafhu, vhukati hashu. Yehova u mona na riñe, Yehova ngomu hashu, muhulu nahone wa maanda NDI NÑE.

<sup>136</sup> Musi A tshi fa, vho dzhia u nga vho Mu wana. A tsela heleni. Musi A tshi ñutshela lifhasi liya ñuvha musi A tshi vhambiwa, O ya vhudzuloni ha vho xelaho. Bivhili i ri, “O ya nahone a rera kha mimuya ye ya vha i khothoni, ye i si shanduke kha a lindela hu lapfu, mađuvhani a Noaxe.” Musi A tshi fa, huno Muya Wawe wa Mu ñutshela, O dovha a vha Logos hafhu. Ene, ndi a vhonah, a ri, “Ndi bva ha Mudzimu. Ndi humela kha Mudzimu.”

<sup>137</sup> Huno Mudzimu o vha a ñila Khavhu ya Mulilo yo rangaho phanda vhana ngei sogani. Huno musi A kha lifhasi... Huno musi A tshi fa, O humela u vha Tshedza hafhu. Paulo o Mu vhonah, huno O vha a Tshedza. A hu na muñwe o Mu vhonah kha avho.

Who vhona Paulo a tshi wa. Tshiñwe tshithu tsha mu rwa, huno Ho vha hu Tshedza. Paulo o ri, “Ndi Nnyi ane nda tovhola?”

<sup>138</sup> A ri, “Saulo, Saulo, ndi ngani u tshi Ntovhola?”

A ri, “Ndi Nnyi?”

<sup>139</sup> A ri, “Ndi nne Yesu, ane wa mu tovhola, nahone zwi khou kondela u raha mupfa.”

<sup>140</sup> Zwenezwo a tuwa a guda nga itsho Tshedza. Paulo o humela murahu kha Bivhili, u wanulusa uri itsho Tshedza ho vha hu mini. Huno a ñwala hovhu Vhurifhi. U kha di vha Yehova muthihi. Itsho Tshedza tshithihi tsho vha tshi sogani tshi na vhana vha Isiraele. Huno musi Petro a khothoni, O vha a Tshedza tshe tsha dzhena ngomu huno tsha vula miñango.

<sup>141</sup> Huno nga tshilidzi Tshawe, uri hu si vhe na ane a do amba tshithu tsha u di imelela...Oo, arali vho tou ralo u hangwa vharumiwa vho funzeaho, huno vha elelwa: a si murumiwa, ndi Mulaedza. O tsela fhasi hafhu, u na riñe, nga tshivhumbeo tsha Khavhu ya Mulilo. Huno U tshimbila nga madembe Awe a fanaho na zwiga, a hu na tshi re nn̄da ha Bivhili; ndi khou tshimbila na Bivhili, ndi tshi i fara fhasi ha ñhonifho, ndi tshi vhonadza vhugala Hawe, ndi tshi sumbedza maan̄da Awe. Nga hu rendwe Dzina Lawe likhethwa!

<sup>142</sup> Ndi a zwi divha ni elekanya uri ndi a penga; fhedzi, oo, uvho Vhuawelo ha Lini na lini ho fhañutshedzeyaho vhu re mayani wanga. Naho madumbu a tshi nga vhudzula, mutheo wanga u ima ngomu ha luvhemba.

<sup>143</sup> Huno u Mu vhona musi A tshi fa, u swika, ñwedzi u tshi vha na mazhuluzhulu. Duvha la kovhela nga masiari. Huno musi A tshi ya fhethu ha vroxelaho, [Mukomana Branham u khokhonya luñha kha phuluphithi—Mudz.] a khokhonya muñangoni, huno muñango wa vuleya. Bivhili i ri, “A rera kha mimuya ye ya vha i khothoni, ye i si shanduke maduvhani a u kondelela ha Noaxe,” murahu ha musi kha lifhasi O no lovha. Murathu wanga, khaladzi anga, musi A tshi lovha, mushumo Wawe wa kha lifhasi wo vha wo fhela, fhedzi O vha a tshi kha di shuma. Nahone Ú kha di shuma madekwana a ñamusi. Amen.

<sup>144</sup> A khokhonya kha muñango wa vroxelaho. Bivhili i ri O ralo. Huno A ñanziela, “Ndi M̄beu ya musadzi. Ndi Nñe we Adamu a amba ngae. Ndi Nñe we Inoko a ri u do ña na vhakhethwa Vhawe vha zwigidi zwi na mahumi. Ndi Murwa wa Mudzimu a tshilaho, huno no tshinya maduvha an̄u a tshilidzi. Fhedzi no vha no porofitelwa zwone, nga vharuñwa, Inoko, Noaxe, uri ndi tea u ña u vuledza Ipfi ñiñwe na ñiñwe la Bivhili ya Mudzimu. Ndi fhano sa ñanzi kha heli ‘shango la vroxelaho.’” Huno A rera khavho.

A ya kha muñango wa hele, heneffo fhasi kha minango ya hele, a khokhonya kha muñango. Diabolo a vula muñango, a ri, "Zwino Ndo u wana."

<sup>145</sup> A dzhia khii thungo hawe, a ri, "Iwe diabolo, wo huvha lwa tshifhinga tshilapfu." Khezwi afha, heneffha kha Bivhili. Ndi swika khazwo nga miniti. "Wo huvha lwa tshifhinga tshilapfu, fhedzi Ndi da u dzhia ndaulo." A gavha idzo khii nahone a mu rahela murahu, huno a vala muñango.

A bvelela huno a dzhia Abrahamu, Isaka, na Yakobo. Nga duvha la vhuraru A vuwa, nahone havho vho edelaho mavhiqani vha vuwa Nae. Oo, hañeļuya! Ngazwo murendi o ri:

U tshila, O mpfunu; u fa, O ntshidza;  
U swiňwa, O ūwisa zwivhi zwanga;  
U vuwa, O nnyita o lugaho lwa tshothe,  
Liňwe duvha U khou vhuya, oo, Duvha la  
vhugala.

<sup>146</sup> Kha hu rendwe mbofho i vhofhaho mbilu dzashu kha vhuledzani ha Vhukriste, lufuno lwa Mudzimu. Musi A tshi vuwa, O vha a sa athu fhedza, na luthihi. O vha a tshe na mushumo munzhi une a tea u ita.

<sup>147</sup> Bivhili i ri, "O gonya Ntha uri a neye mpho kha vhanna." Ho vha hu na mufhe wo ñembelelaho n̄tha ha lífhasi, wa swiswi, wa vhutswu, wa lufu, na u neta. Thabelo dzo vha dzi sa gonyi, ngauri Tshipfumelelo tsho vha tshi sa athu u itwa. Fhedzi, O kwasha ulwo luvhemba. O vula ndila ya u ya n̄tha. O kherula luvhemba lwa vhulwadze. O kherula luvhemba lwa mutsiko. O kherula luvhemba luňwe na luňwe, nahone a vula ndila ndapfu u itela muthu wa lipambukwa, a tshimbilaho a tshi gonya kha ndila ndapfu ya Khosi. Oo, nñe-nñe, musi A tshi fhira ñwedzi na naledzi, u ya n̄tha na u ya n̄tha!

<sup>148</sup> A tevhelaho, murahu Hawe, ha bvelela vhakhethwa vha Thestamente ya Kale, Abrahamu, Isaka, na Yakobo. Vha gonya n̄tha mañadulu a Liñadulu. Musi vha tshe kule na Dorobo, ndi a kona u vha vhona vha tshi takusa maño avho. Abrahamu a ri, "Iyo ndi yone Dorobo ine ndi kale ndo ūlutshelwa u i vhona. Oo, iða hafha, Isaka. Iða hafha, Yakobo. Oo, ro vha ri vhafhiri na vhatsinda vha lífhasi, fhedzi hu na Dorobo. Hu na Ane ro lindela khae."

<sup>149</sup> Huno Bivhili i ri vha huwelela, "Takuwa, inwi khoro dza lini na lini, nahone ni takuswe, ngauri Khosi ya Vhugala i khou da."

<sup>150</sup> Huno Vharuňwa murahu ha khoro vha huwelela murahu kha havha vharuňwa murahu hafha, huno vha ri, "Khosi ya Vhugala ndi Nyi?"

<sup>151</sup> Huno vharuňwa nn̄da hafha, vhaporofita, vha ri, "Murena wa Mavhuthu, wa Maanda nndwani."

<sup>152</sup> Huno vha puṭedza dzibatheni huno munango muhulu wa vulea. Heneffho fhasi vhukati ha zwiṭaraṭa A bvelela, Mukundi, o kunda, na vhakhethwa vha Thestamente ya Kale vha tshi khou tshimbila murahu Hawe. A dzula fhasi kha Khulunoni, a ri, "Khotsi, khevha. Ndi Vhau."

<sup>153</sup> A ri, "Gonya ntha hafha huno u dzule fhasi, u swika Ndi tshi ita maswina Au ofhe vhukando ha ḥayo Dzau." Musi ri tshi vhala, ri wana uri hafha kha Luñwalo. Zwo luga.

<sup>154</sup> Thetshelesni. Zwino ri kha ndimana ya vhu 8:

*Zwenezwo o vheya zwithu zweṭhe hone tsini ha milenzhe yawe. Ngauri...o vheya zwithu zweṭhe tsini ha milenzhe yawe, ho ngo sia tshithu tshi so ngo...fhasi hawe. Fhedzi zwino a ri vhoni...zwithu zweṭhe zwe vheiwa fhasi hawe.*

Izwo ndi, lufu. A ri vhoni lufu, a zwi athu u ralo, ngauri ri kha ḫi fa. Ri vhona lufu.

Fhedzi, ndimana ya vhu 9, "Fhedzi ri vhona Yesu!" Amen. Thetshelesani.

*...ri vhona Yesu, we a itwa muṭukunyana kha vharuñwa u itela u thetshela lufu, o ambadzwa vhugala na ḥonifho; uri ene nga tshilidzi tsha Mudzimu a thetshele lufu u itela muthu muñwe na muñwe.*

Ndi ngani O itwa muṭuku kha Vharuñwa? Uri A kone u thetshela lufu. O tea uri a fe. O tea u ḫa, uri a fe.

<sup>155</sup> Lavhelesani hafha, khonani. Ni so ngo ralo, ni so ngo vhuya na hangwa hezwi. Musi Yesu a tshi khou ṭuwa, a tshi khou gonya tshikwara, lufu lwo vha lu tshi khou mona-mona na ḥohoh Yawe.

<sup>156</sup> Kha ri dzhie tshifanyiso tshashu ri tshi ise Yerusalem, miñwaha ya zwigidi zwivhili yo fhiraho. Huno ni nga Zwi landula hani? Ndi pfa muungo u tshi itea tshiṭaraṭani. Ndi mini? Ndi u raha-raha ha tshiñwe tshithu. Ndi tshifhambano tshi hwasaho tsha kale tshi tshi khou bvelela, tshi tshi bva nga khoro ya Damaseka, tshi tshi gekhana na musalasala. Iyo misalasala mihulu a kha ḫi vha heneffho. Tshi tshi gekhana na uyo musalasala muhulu, magodzhogodzho. Ndi vhone u elaha Malofha tshiṭaraṭani. Ndi mini? Ndi Muthu a so ngo itaho tshithu; a hu na zwe a ita fhedzi zwivhuya. Vhathu vho vha vho pofula. A vho ngo Mu ḫivha. A vho ngo Mu limuwa.

Ni ri, "U pofula? Naa vho vha vha na maṭo?"

<sup>157</sup> Ni nga vha na maṭo anu fhedzi no pofula. Ni a tenda izwo? Bivhili yo ralo. Elelwani Elisha fhasi afho Dothani? O ya a rwa vhathu nga vhupofu, a ri, "Zwino ntevheleni." Vho vha vho pofula khae.

<sup>158</sup> Huno vhathu vho pofula madekwana a ḥamusi. Tshiñe tshivhidzo tshi sa tendi kha phodzo Khethwa, vho ḫa kha nne

tshiñwe tshifhinga, huno vha ri, "Mpofudze. Mpofudze." Zwo itea nduni ya Mukomana Wright. A ri, "Mpofudze." A ri, "Paulo o pofudza muthu, tshiñwe tshifhinga." A ri, "Mpofudze."

<sup>159</sup> Nda ri, "Khonani, diabolo o no zwi ita. Wo pofula kale. Zwo tou ralo, wo ralo."

<sup>160</sup> A ri, "Fhodza uyu musidzana mułuku huno ndi ḋo u tenda."

<sup>161</sup> Nda ri, "Tshidza uyo muitazwivhi huno ndi ḋo u tenda." Zwo tou ralo.

<sup>162</sup> "Oo," a ri, "u tea u tenda."

<sup>163</sup> Nda ri, "Ndi zwithu zwithihi hafha, zwi tea u itea nga tshilidzi tshihulu tsha Mudzimu."

<sup>164</sup> Diabolo, ene—ene mudzimu wa lino shango, o pofudza maṭo a vhathu. "Vha na maṭo fhedzi a vha vhonī," Bivhili yo ralo.

<sup>165</sup> Khoyu O vha a henefha, a tshi gonya na tshiṭaraṭa, a tshi kokodza ḥayo dzi phophaho Malofha na bāda. *Notshi* ya lufu yo vha i khou luma u mona Nae, i tshi Mu ḥona, "Hu si kale huno ndi ḋo U wana." O vha a tshi khou thoma u leđa, a na dora la madi.

<sup>166</sup> Ndo vhuya nda thuntshiwa, ndo edela n̄tha hafha tsimuni, malofha a tshi khou shuluwa u bva kha n̄ne. Nda huwelela madi. Huno khonani yanga a gidima, a dzhia muñwadzi wawe a u ngwandamedza kha madi; o tshikafhalaho a kale, mavhułuvhulu madini. A bvelela, huno nda vula mulomo wanga; a hamula iyo. Ngauri, malofha o vha a tshi khou phunya vhunga tshisima, he nda thuntshiwa nda vha zwipiđa nga tshigidi. Ndi na ḋora!

<sup>167</sup> Zwenezwo nda divha uri Murena wanga o vha a hani, murahu ha musi o phopha malofha matsheloni ayo othe, u bva nga iri ya vhu ṭahe u swika nga iri ya vhuraru nga madekwana, a tshi khou fhélelwa nga Malofha ayo othe. Ndo vhona nguvho Yawe, tsha u thoma, hu tshi nga hu na dondo liłuku khayō. Huno ayo madondo othe a thoma u engedzea nahone a ḫumana, a ita dondo liłulu la Malofha, i tshi Mu rwa kha milenzhe musi A tshi tshimbila u mona. Ayo o vha a Malofha a Immanuele. Oo, lifhasi lo vha li so ngo fanelwa Ngao.

<sup>168</sup> Fhedzi musi A tshi gonya n̄tha, heyi *notshi* i tshi ḥona u mona Nae. Yo ita mini? Ya fhedza yo Mu luma.

Fhedzi, murathu, nnyi na nnyi u ya divha, uri tshikhokhonono kana ḥotshi, arali ya vhuya ya luma luthihi, izwo zwi fhedza mushumo wa u luma. I nga si tsha dovha ya luma. Ngauri, musi i tshi ḫuwa, i bvisa luvholela lwayo.

Ndi ngazwo Mudzimu o tea u vha ḥama. O dzhia luvholela lwa lufu nga ḥama Yawe, nahone A kokodza luvholela u bva kha lufu. Kha hu rendwe Dzina la Murena! Lufu lu ya kona u vhaisa na u luma, fhedzi lu nga si ni vhaise.

<sup>169</sup> Paulo, musi a tshi pfa iyo *notshi* i tshi khou ḥona u mona nae, lufu lwo vha lu tshi khou ḫa. O ri, "Olufu, luvholela lwau lu gai?"

O vha a tshi kona u sumba kha Khalivari he lwa siiwa hone kha nama ya Immanuele. “Gundo lau li gai? Fhedzi ndivhuwo kha Mudzimu we a ri fha gundo nga Murena Yesu Kristo.” Ee.

<sup>170</sup> A ri vhone zwithu zwēthe.

*Fhedzi ri a ralo u vhona Yesu, we a itwa mūtukunyana kha vharuñwa u itela . . . u tambula lufu, . . .*

*Ngauri zwe no vha ene, ane zwēthe—zwithu zwēthe, ane ngae ri na zwithu zwēthe, ngei kha mathomo . . . vharwa vhanzhi . . . huno a itwa ene mukoma wa u tshidzwa hashu . . . nga tshengelo.*

Ndila i yōthe ine A nga vha Mukoma wa u tshidzwa hashu, U tea u shengela.

<sup>171</sup> Thetshelesani haya Maipfi a vhudi hafha zwino. Zwino thetshelesani.

*Ngauri uyo ane a khethefhadza na avho vho itwaho vhakhethwa vhōthe vha . . . muthihi: . . .*

Oo, naa a ni vhoni Mūtokola na Matavhni afho? [Tshivhidzo tshi ri, “Amen.”—Mudz.] Vhōthe ndi Vhathihi.

*. . . nga zwenezwo ha teledzi u vha vhidza vharathu, Ni a vhona? Ngani? Thetshelesani, ndimana i no tevhela.*

*A tshi ri, Ndi do kwathisa dzina lau kha vharathu vhanga, vhukati ha tshivhidzo Ndi do imba thendo ndi tshi itela iwe.*

*Huno-ha, Ndi do vheya fulufhelo ḥanga khae. Huno-ha, Vhonani Nñe na vhana vhe iwe wa mpha vhone.*

*Zwino-ha vhunga vhana vha vhathihi nga nama na malofha, na ene o dzhia tshipida tsha zwithihi; uri nga lufu a tshinyadze uyo ane a vha na maanda a lufu, uyo ndi, diabolo;*

*Uri a vha phuluse ane nga . . . u itela . . . nga . . . ngauri lufu lwo dzula lwu fhasi ha vhuphuli.*

<sup>172</sup> Muthu u dzulela u ofha lufu. Kristo o vha tshivhi, a itwa mūtuku, uri a dzhie lufu a lwu hwale kha Ene mune. Huno Ha shoni u vhidzwa “Mukomana,” ngauri O lingwa vhunga ri tshi lingwa. Huno A nga ita yone . . . murabeleli ene o teaho, ngauri O imela milingo i fanaho ine na imela. Huno A dzhia vhuimo hanu, a tshi ḫivha uri inwi ni nga si vhu dzhiye.

<sup>173</sup> Ngauralo, naa a ni zwi vhoni, murathu, khaladzi? Zwithu zwēthe ndi tshilidzi. Zwēthe ndi tshilidzi. A si zwine na ita, na luthihi. Ndi zwine O dzula o ni itela. Zwino, ni nga si ite tshithu na tshithihi tshi linganaho u tshidzwa hanu. U tshidzwa hanu ndi mpho. Kristo o vha tshivhi, uri ni vhe muvhuya. Huno ndi Ene Mukoma Muhulu o teaho u tshidzwa hanu, ngauri O shengela vhunga ri tshi shengela. O lingwa vhunga ri tshi lingwa. Nahone Ha na ḫoni dza u vhidzwa “Mukomana washu,”

ngauri U ya ḋivha zwine ra fhira khazwo. Oo, kha hu rendwe Dzina Lawe!

*Ngauri khae ho ngo dzhia tshivhumbeo tsha vharuňwa; fhedzi o vha mbeu ya Abrahamu.*

<sup>174</sup> Oo, nne-nne! Ho ngo vha Muruňwa. O vha Mbeu ya Abrahamu. “Huno riňe, ngauri ra fa kha Kristo, ri vha Mbeu ya Abrahamu, nahone ri na vhuľaifa zwi tshi tevhedza pfulufhedziso.” Ni a vhona? Ho ngo dzhia tshivhumbeo tsha Muruňwa. Ho ngo vha Muruňwa. O vha Muthu. O vha Mbeu ya Abrahamu, nahone a hwala luvholela lwa lufu kha ńama Yawe Ene munę, u itela uri pfumeda murahu kha Mudzimu, huno zwino o dzula heneffo sa Murabeleli. Nne-nne, ri Zwi landula hani, khonani?

<sup>175</sup> Thetshelesani.

*Huno-ha zwithu zweathe zwe itelwa ene uri a itwe vhunga vharathu vhawé, uri a vhe na khathutshelo nahone a vhe tshifhe muhulu a fulufhedzeyaho kha zwithu zwa Mudzimu, u pfumeda... tshivhi tsha vhatu.*

<sup>176</sup> Uri A vhe Mupfumeleli! Ni a vhona, ho vha hu na vhuswina vhukati ha Mudzimu na muthu. Huno a hu na muthu . . .

Vho rumela vharuňwa, vhaporofita. A vho ngo kona u dzhia vhuimo haňu, ngauri vho tea uri vha ḋirabelele. Vha nga si dzhie vhuimo.

<sup>177</sup> Zwenezwo, A rumela mulayo. Mulayo wo vha u pholisa une wa ri vheya khothoni. Wo vha u sa koni uri bvisa. O rumela mulayo.

A rumela vhaporofita, A rumela vhavhuya, na zwiňwe zweathe, a zwe ngo kona u ita tshithavhelo. Fhedzi O tsa fhasi nahone a vha muňwe washu. Oo, nne-nne!

<sup>178</sup> Ndi tama ngavhe zwino ro vha ri na tshifhinga tshinzhi, ndi takalela u ni isa kha uyo mulayo wa thengululo; fhedzi a ri natsho, fhedzi tshikhalanyana. Tshifanyiso tshavhudí kha Ruče na Naomi. Arali ni tshi nga vhona afho, u pfumelawa, uri munna o ralo hani, muthu we a vha a tshi khou tea u rengulula ndaka yo xelaho nahone ye ya wa, u tea u vha shaka na muthu o lozwaho ndaka. Ndi ngazwo Boasi o tea u vha . . . o vha a shaka na Naomi, uri a kone u wana Ruče. Huno zwenezwo, o vha o tea u vha o fanelwa. O vha a tshi fanelwa u vha a tshi kona u zwi ita, u rengulula tsho xelaho. Huno Boasi, khoroni, o neya vhutanzi vhu re khagala, nga u bvula zwienda zwawe, uri o rengulula Naomi na zweathe zwawe. Huno o vha a tshi tea u vha shaka.

<sup>179</sup> Huno ndi ngazwo Kristo, Mudzimu, o tea u vha shaka na riňe. Huno A tsela fhasi sa Muthu. Huno a tambula u lingwa. Huno A seiwa, a itwa miswaswo ngae, na u tovholwa, na u nyadzwa, nahone a vhidzwa “Belesebulu,” na—na u nyefulwa,

nahone a tambula lufu fhasi ha u tou vhulaiwa. Ni a vhona? O tea u vha shaka na riñe. O tea u pomokwa zwi si zwone, ngauri ni pomokwa zwi si zwone. O tea u hwala malwadze, ngauri ni khou lwala. O tea u hwala zwivhi, ngauri ho vha hu zwivhi zwañu. Huno O tea u vha shaka. Ndila i yoþhe ine A nga kona u ri rengulula ho vha u vha shaka na riñe. Huno U vha hani shaka, ndi nga u dzhia tshivhumbleo tsha nama ya tshivhi na u vha muthihi washu. Huno nga izwo, O badela mutengo na u ri rengululela murahu kha vhuledzani ha Khotsi. Oo, Mutshidzi-de nandi! Maipfi ha koni u zwi bvisela khagala.

*Ngauri kha izwo ene muñe o tambulela u vha fhasi, . . .  
nahone u kona u farisa avho vha lingwaho.*

<sup>180</sup> U *farisa* zwi amba u “pfela vhuþungu.” Izwo, ndi yone mbuno O vha *hezwi*, uri A a ni pfele vhuþungu vhoinwi vhane na . . . na vha na zwikondaho *nþha* na *fhasi*, na zwiþuku zwa *ngomu* na *nnda*, nahone milingo yanu i ya engedzeya u swika hune ni si kone u i imela. U ya ðivha uri u ni pfela hani vhuþuku. U dzula heneffho, uri a rabelele. U dzula heneffho, uri a ni fune. Huno nahon na redzemewa, Ha nga ni þutsheli. U ðo ni tevhelela nahone a khokhonya kha mbilu yanu. A hu na o guneaho kha itshi tshifhaþo fhedzi ane a ðivha uri Mudzimu u khokhonya mbiluni yawe ðuvha na ðuvha. Huno U do zwi ita lu sa gumi tenda ni a tshilaho kha *lino* *lifhasi*, ngauri O ni funa. O ni rengulula.

<sup>181</sup> Vharendi vho lingedza, vhañwali vha khou lingedza, muthu u khou lingedza u sumbedzisa vhuvhha ha “lufuno,” huno a zwi koni u wanalea kha tsumbedziso ya muthu. Muñwe urí:

Oo, lufuno lwa Mudzimu, ndi luhulu nahone  
lwo kuna hani!  
A lu kalei na u dzia hani!  
Lu ðo kondelela u ya nga hu sa fheli,  
Luimbo lwa Vhakhethwa na Vharuñwa.  
  
Arali lwanzhe lwo vha lu tshi dala nga ennge,  
Huno hune lutombo lwo itwa nga utsidi;  
Tsinde *linwe* na *linwe* kha *lifhasi* la tetemela,  
Nahone muthu muñwe na muñwe a muñwali  
nga makwevho;  
Uri a ñwale lufuno lwa Mudzimu wa *nþha*  
Zwo vha zwi tshi ðo omisa lwanzhe lwa oma;  
Kana naa bugu i nga fara zweþhe,  
Nazwo zwo tatamudzwa u bva kha lutombo u  
ya kha lutombo.

<sup>182</sup> Ni nga si vhuye na pfesesa. A hu na ndila ya uri ri pfesese uri hani uho u ðinetshedza hungafho, he A ita, o tsela fhasi huno a ri pfumelela murahu kha Mudzimu. Zwenezwo A humela murahu a ri, “Zwino, A thi nga ni sii ni si na muimeleli. Ndi ðo vhuuya murahu huno nda vha na vhoinwi, nda dovha nda vha kha vhoinwi, u swika magumoni a shango.”

<sup>183</sup> Huno ri fhano ḥamusī, ri khou tshila kha tshifhinga tsha vhufhelo, na Yesu muthihi, zwithu zwithihi, zwiga zwithihi, vhuṭolo vhuthihi, u tshidzwa huthihi, Muya muthihi u tshi ita zwithu zwithihi, Mafhungo madifha mathihi, Ipfi lithihi, tsumbedziso nthihi, u vhonadzwa huthihi, zwiṅwe zweṭhe. Zwi kha riṇe u sa dzhiela fhasi uhu u tshidzwa huhulu, ngauri ri do tea u zwi fhindulela, ḥinwe ḫuvha, zwine ra ita nga Murwa wa Mudzimu.

<sup>184</sup> U zwandani zwaṇu madekwana a ḥamusī, muitazwivhi, inwi no guneaho. Ni khou ya u ita mini Ngae? Ni ri, “Zwo luga, ndi do Zwi litsha.” Fhedzi, elelwani, izwo ni so ngo zwi ita. A hu na ndila, na luthihi, arali ni muitazwivhi, ine ni nga ṭutshela tshino tshifhaṭo huno na vha ni tshe no ralo. Ni nga si zwi ite.

<sup>185</sup> Pilato, vhuṇwe vhusiku, o lingeda u zwi ita. O humbela mađi huno a ḫamba zwanda zwawe. A ri, “A thi dzheneleli Khazwo. Ndi tou fana na ene a si Zwi vhone. Tho ngo vhuya nda pfa Mafhungo madifha. A thi ḫodi tshithu tshi kwamanaho Nazwo.” Naa o vha a tshi nga Zwi ḫanzwa zwa bva kha zwanda zwawe? A nga si ralo.

<sup>186</sup> Mafheleloni, ni a divha zwo iteaho kha Piłato? O xedza muhumbulo wawe. Huno ndilani ya u gonya n̄tha ngei Switzerland, he ra vha ri hone ḥwaha wo fhelaho, ri tshi khou rera Mafhungo madifha, zwino hu na ḫizhakandila ḫa kale le ḫa ralo, u ri, hu na dzivha ḫa mađi heneffo, hune vhathe vha ḫa u bva hoṭhe u mona na shango, u lavhelesa, ḥwaha muṇwe na muṇwe, nga tshifhinga tsha u vhambiwa. Pilato, o di ngwandamedzela kha lufu, nga u di vhulaya, o fhufhela kha haya mađi huno a di ngwandamedza. Huno ḥwaha muṇwe na muṇwe, nga ḫuvha lithihi, mađi a lutombo a vhila a tshi bva kha ilo dzivha, u sumbedza urī Mudzimu o landula mađi. Mađi ha koni u ḫanzwa Malofha a Yesu zwandani zwaṇu kana ḫa maya wanu. Hu tou vha na ndila nthihi ya u zwi ita, iyo ndi u Zwi ḫanganedza sa khangwelo yanu na u pfumēdzanywa na Mudzimu.

Kha ri rabele.

<sup>187</sup> Khotsi a ḫaqulu, ri a U livhuwa madekwana a ḥamusī nga ili Ipfi. “Ngauri lutendo lu ḫa nga u pfa, huno u pfā nga Ipfi.” Ri a U livhuwa nga Yesu. Huno musi ri tshi vhona ili ḫuvha ḫihulu line ra khou tshila khalo, zwiga na vhuṭolo zwo ralo hani, ri tshi ralo u litsha izwi zwithu zwi tshi fhufha. Mudzimu, vula mađo a vhathe kha ino thaberenakele, madekwana a ḥamusī, uri vha kone u vhona na u pfectesa uri ri khou tshila kha awara dza u fhedza. Tshifhinga tshi khou ḫavhanya. A ri tshe na tshifhinga tshilapfu tsha u vha fhano, nahone ri do tea u vhona Yesu. Huno ri do tea u dzhiwa sa vhafheṭi, ngauri a hu na u ḫiimelela. Ano matsheloni, musi U tshi netshedza ilo ḫihulu, bono ḫa maanda, ḫa uyo muthu a tshi ḫa afha, u bva shangoni ḫa kule ngei; huno u mu vhona, zwi sa timatimisi, a tshi takuwa kha wilitsheyē,

a ḥanganedza u vhona hawe. Milenzhe yawe ya khwaṭhelela, a tshimbila na tshifhaṭo, a tshi pembela na u renda Mudzimu. Zwi sumbedza uri Mudzimu u kha di kona nga aya matombo u vusa vhana a tshi itela Abrahamu. Uri vha vhona mabono, vhunga Yesu o ri, "A thi iti tshithu u swika Khotsi a tshi Ntsumbedza. A thi koni u ita tshithu."

<sup>188</sup> Bofu lo Mu tevhela, huno la ri, "Nkhathutshele."

<sup>189</sup> A ri, a kwama maṭo avho nahone a ri, "Zwi tshi tevhedza lutendo lwau, kha zwi ralo kha iwe."

<sup>190</sup> Zwino, Murena, ri vhona Yesu. A ri vhoni zwithu zweṭhe. Ri a vhona uri ri kha di dzhia vho itwaho vhakhethwa vhashu ra vha isa mavhiḍani, nahone ra tshimbila nṭha ha mavhiḍa ashu. Fhedzi ri vhona Yesu, o itaho pfulufhedziso. Ri a Mu vhona u na riṇe. Hu si Yesu vhiḍani, hu si Yesu wa miṇwaha ya zwigidi zwivhili yo fhelaho; fhedzi Yesu madekwana a ḥamusi, ane a vha na riṇe. Ri Mu vhona a tshi vhonala kha maānda Awe oṭhe, na zwiga, na vhuṭolo.

<sup>191</sup> Mudzimu, ngavhe ri sa dzhiehi fhasi uhu u Tshidzwa huhulu. Fhedzi ngavhe ri tshi Hu kuvhatedza, na u Vhu ḥanganedza, nahone ra dzika, huno ra tshila Ngaho u swika ḫuvha line Yesu a da u ri dzhia a ri isa Hayani. Zwi tendele, Murena. Ri zwi humbela nga Dzina Lawe.

<sup>192</sup> Huno musi ro ralo u kotamisa ḥoho dzashu, ndi a ḫivhudzisa arali hu na muthu ngomu tshifhaṭoni madekwana a ḥamusi, fhasi ha Vhuhone Vhukhethwa ha Muya Mukhethwa, ane a ri, "Mukomana Branham, ndi a ṭuṭuwedzeya uri ndo khakha. Ndi a ṭuṭuwedzeya uri ndo khakha. Mudzimu o nnzumbululela zwivhi zwanga. Huno ndi a zwi ḫivha uri ndo khakha. Ndi do Mu imisela tshanda tshanga nahone nda humbela khathutshelo, madekwana a ḥamusi. Mudzimu, nkhathutshele. Ndo khakha." Naa ni do ralo u ita izwo?

<sup>193</sup> Musi ri tshi lindela zwitukunyana, arali hu na muthu hafha ane a ḥoda u ralo, hu khou ya u vha na ndovhedzo hu si kale. Huno arali ni muitazwivhi, ni do shanduka. Ni landula hani ulwo lufuno lu sa vhambedzeyi lwa Uyo o faho? Mudzimu mukhethwa wa Taḍulu o vha Muthu wa tshivhi; hu si ngauri O tshinya, fhedzi ngauri U na zwivhi zwaṇu, nahone a zwi hwala afho kha Khalivari. Huno a ni nga ḥanganedzi uho u hangwelwa? Naa a ni ralo u zwi ita madekwana a ḥamusi? Musi ro kotamisa ḥoho dzashu, muṇwe muthu u ri, "Nnyelwelwe, Mukomana Branham. Ndi imisela Kristo zwanda zwanga, huno ndi ri, 'Nkhathutshele. Ndo, ndo khakha, nahone ndi khou ḥoda u pfumetzanywa na Mudzimu.'" Ni do ralo u imisa tshanda tshana?

Zwo luga, arali muṇwe na muṇwe a Mukriste, zwenezwo-ha, kha ri rabele.

<sup>194</sup> Khotsi, ri a U livhuwa madekwana a ḥamusi, uri vho ḫoṭhe vha re fhano ndi Vhakriste, uri vho ḫanziela zwithihi nga

u isa phanda na u fhumula, uri zwivhi zwavho vhothe zwi fhasi ha Malofha. Huno ndi livhuwa zwi hulu nga hezwo. Vha fhaṭutshedze, Murena. Oo, ndi livhuwa zwi hulu ngauri vho pfumedzwa nga u ḥetshedzwa ha Malofha, nga u pfa Ipfi. U ṭanzwiwa nga madi, nga Ipfi, Lo ri ṭanzwa. Li ri disa fhethu huhulu, hune—hune muitazwivhi, na lupila lwawe lwa swiswi, u itwa mutshena vhunga mahada. Madondo matswuku a tshivhi o ṭanzwiwa, nahone ri zwivhumbwa zwiswa kha Kristo. Ri livhuwa hani izwo, Iwe, nga izwi.

Zwino tshumelo ya ndovhedzo yo swika. Ndi a pfectesa uri hoyu mufumakadzi muṭuku, madekwana a namusi, u khou tea u lovhedzwa fhasi hafha, nga Dzina la Murena wawe.

<sup>195</sup> O Khotsi wa Tađulu, ri rabela uri U shudufhadze hoyu musadzi muṭuku. Muhumbulo wanga u humela hani murahu kha maduvha a si gathi o fhiraho, ndi tshi khou fira nga Henryville huno ndi tshi vhona ula musidzana muṭuku a funeaho a tshi khou tshimbila a tshi mona tshitaraṭani. Huno madekwana a namusi, o no vha mme, mufumakadzi. O ṭanganedza Iwe sa Mutshidzi wawe. Vhutshilo ho kondela nwana, Murena, O Mudzimu, fhedzi Liṭadulu ndi lawe. Huno ri a U livhuwa nga izwo. Ri a rabela, Mudzimu, uri U fhaṭutshedze musadzi muṭuku zwino. Huno musi a tshi ralo u da uri a lovhedzwe nga madi, ngavhe U tshi mu dadza nga Muya Mukhethwa wa Mudzimu. Zwi tendele, Murena. Ngavhe maya wawe u tshi dzinginyiswa, u ya kha Maṭadulu! Zwi tendele u tshi itela vhugala Hau. Vhunga ri tshi khou zwi humbelia nga Dzina la Yesu. Amen.

[A hu na tshithu kha theiphi—Mudz.]

<sup>196</sup> Ndi khou ḥoda u vhala kha Mishumo, ndima ya 2; Petro u khou amba, nga Duvha la Pentekoste, ndovhedzo ya u thoma ye ya vhuva ya itiwa kha Tshividzo tsha Tshikriste. Petro, u kaidza Vhafarisei na vhathu vho populaho, nga u sa limuwa Murwa wa Mudzimu; a tshi amba nga ha uri Mudzimu o Mu vusa hani, nahone a sumbedza mishumo Yawe, nga zwiga zwi hulu na vhuṭolo. Thetshelesani hezwi, musi a tshi amba. O vha a khou hulisa Yesu.

<sup>197</sup> Muya muñwe na muñwe wa Mukriste u hulisa Yesu, hu si nga meme dzañu fhedzi, fhedzi nga vhutshilo hanu. Meme dzañu dzi nga amba tshinwe tshithu, vhutshilo hanu ha ita zwiñwe. Arali na ita izwo, ni a qivha uri ndi mini? Ndi vhudziatshimbevha. Huno ndi khwiñe ndi tshi livhana na Liṭadulu sa a sa tendiho u fira mudziatshimbevha. Ndi do ita wonoyo mulingo zwo leluwa, ndi a tenda, Tađulu, sa—sa a sa tendiho, u fira u vha mudziatshimbevha. Ndi nga ralo... Arali na tanzielela Yesu na ri “Ndi Mutshidzi,” ni tshirelha u ralo, ngauri vhatu vha khou ya u zwi lavhelela kha inwi. Ndi zwone. Ni tshirelha sa zwine Mukriste a tea u vha zwone. Ro fira kha izwo ano matsheloni.

<sup>198</sup> Zwino, Murena vha tshi funa, matshelo nga madekwana, kana... Madekwana a Lavguraru, ri khou dzhia heyi ndima ya vhu 3, ine ya vha ndima ya vhudi. Huno zwino, ni ralo u da madekwana a Lavguraru. Ndi vhangana vhane vha khou diphina nga iyi Bugu, ya iyi ngudo ya tshikolo tsha Swondaha? [Tshivhidzo tshi ri, "Amen."—Mudz.] Oo, ndi a livhuwa nga maanda. Izwo zwe luga.

<sup>199</sup> Zwino, ndi khou ṭoda u vhala kha Mishumo, ndima ya 2, ndo thoma kha ndimana ya vhu 32.

*Hoyu Yesu ene Mudzimu o mu vusa, zwenezwo-ha ri... ri dzīhanzi.* (Vho vha tshi zwi divha.)

*Zwenezwo-ha o huliswa nga tshanda tshaula tsha Mudzimu, nahone o ṭanganedza Muya Mukhethwa yone pfulufhedziso ya Khotsi, O ralo u shululela hezwi, zwine na zwi vhona na u zwi pfa zwino.*

<sup>200</sup> Zwino mu thetsheleseni a tshi amba nga Davita, muñwe wa vharuñwa.

*Ngauri Davita ho ngo gonya ṭadulu: fhedzi ene o ri, MURENA o ri kha Murena wanga, Dzula kha tshanda tshanga tshaula,*

*U swika Ndi tshi ita maswina au vhukando ha milenzhe yau.*

Davita o vha a nga si kone u gonya n̄ha; o vha a phasi ha malofha o shuluwaho a kholomo, na mbudzi, na nngu. Fhedzi zwino a nga vuwa; o vha a phasi ha Malofha a Murena Yesu. Ngauri phindulo i yothe kha ayo Malofha musi A tshi da nga u kombetshedza. Musi Malofha a Kristo a tshi kombetshedza, havho whothe vhe vha fa kha ndila yone, vho vuwa, ndi zwone, nahone vha gonya Vhugalani.

<sup>201</sup> Zwino thetshelesani.

*Zwenezwo kha zwi divhiwe kha nndu yothe ya Israele... (Thetshelesani hezwi.)...uri Mudzimu o ita hoyu Yesu muthihī, ane inwi... no mu vhamba, zwothe Murena na Kristo.*

Mini-ha nga izwo? Naa Ndi Muthu wa vhuraru wa vhuraru, kana U vhuraru hothe? Ndi ene Vhumudzimu hothe nga vhudalo, muvhili wothe.

<sup>202</sup> Zwithu zwe raloho zwa Midzimu miraru a zwi ho: Mudzimu Khotsi, Mudzimu Murwa, na Mudzimu Muya Mukhethwa. Izwo a si Luñwalo na luthihi, a hu na fhethu na huthihi. A zwi wanali fhethu na huthihi. A hu na fhethu na huthihi he ra vhuya ra laiwa u lovhedza, "Nga dzina la Khotsi, na nga dzina la Murwa, na nga dzina la Muya Mukhethwa," a hu na na huthihi kha Mañwalo. Ndi maitiele a Katolika, nahone a si zwa tshivhidzo tsha Poretestanti. Ndi do humbela nnyi kana nnyi uri a ntsumbedze Luñwalo luthihi hune muñwe muthu

o vhuya a lovhedzwa nga inwe ndila nnđani ha Dzina la Murena Yesu Kristo. Idani, ntsumbedzeni, huno ndi do vheya luswayo muñanani wanga, “Mudziatshimbewha, na muporofita wa mazwifhi, mudededzi wa mazwifhi,” nahone nda tshimbila zwitarañani. A hu na zwithu two raloho. A hu na muthu we a vhuya a lovhedzwa nga u ralo. Ndi maitele a Katolika, huno a si pfunzo ya Phurosidente.

<sup>203</sup> “Mateo 28:19,” ni ri, “Yesu o ri, ‘Tshimbilani ni ye shangoni lothe, funzani tshaka dzothe, ni vha lovhedze nga Dzina la Khotsi, Murwa, na Muya Mukhethwa.’” Izwo ndi zwone.

Fhedzi a si, “Dzina la Khotsi, dzina la Murwa, dzina la Muya Mukhethwa.” *Dzina* la Khotsi, *Dzina* (hu si madzina), la Khotsi . . .

*Khotsi* a si dzina. Ndi vhangana vho no divha izwo? Hu na vhokhotsi vhangana afha? Imisani zwanda zwañu. Hu na vharwa vhangana afha? Imisani tshanda tshanu. Hu na vhatu vhangana afha? Imisani zwanda zwañu. Two lugia. Zwino, dzina lañu ndi nnyi? A si khotsi, murwa, kana muthu.

<sup>204</sup> Musadzi tshiñwe tshifhinga o ri kha nne, we a vha a tshi tenda kha vhomudzimu vhararu vho fhambanaho, o ri, “Mukomana Branham, fhedzi Muya Mukhethwa a si dzina.”

<sup>205</sup> Nda ri, “Muya Mukhethwa a si dzina. Muya Mukhethwa ndi zwine A vha zwone. Ndi Muya Mukhethwa.” A si dzina; ndi zwine A vha zwone. Ndi muthu, fhedzi dzina langa a si muthu. Dzina langa ndi William Branham. Ngauralo, arali A ri, “Tshimbilani, ni funze tshaka dzothe, ni vha lovhedze nga *Dzina* la Khotsi, na la Murwa, na la Muya Mukhethwa.”

<sup>206</sup> Zwenezwo Petro, ho no fhela maduvha a fumi, a ri, “Shandukani!” Zwino, hafha, thetshelesani hezwi.

Huno musi vha tshi pfa hezwi, vha tshenuwa kha mbilu dzavho, huno vha amba na Petro na...  
vhaapostola vhothe, Vhanna na vharathu, ri do ita mini?

Zwenezwo Petro a ri khavho, Shandukani, muñwe na muñwe wañu, huno ni ralo u lovhedzwa nga dzina la Murena Yesu Kristo u itela khangwelo ya zwivhi zwañu, huno ni do tanganedza tshifhiwa tsha Muya Mukhethwa.

<sup>207</sup> Zwenezwo-ha naa Petro o ita zwe Yesu a mu vhudza kana hai? O vha a so ngo ñada. Ndi riñe ro ñadaho.

<sup>208</sup> Kha Mishumo 2:38, Vhayuda vho lovhedzwa nga Dzina la Murena Yesu Kristo, nga u ngwandamedziwa.

Kha Mishumo, ndima ya 8, ri wanulusa uri Filipi o tsela fhasi huno a rera kha Vhasamaria, nahone a vha lovhedza nga Dzina la Murena Yesu Kristo, Vhasamaria.

Kha Mishumo 10:49, Petro o laya Vhann̄da uri vha lovhedzwe nga Dzina ḥa Murena Yesu Kristo.

<sup>209</sup> Paulo, Mishumo 10:5, “O fhira nga khunzikhunzini ya Efesa, a wana vhafunziwa.” Vho vha vha vhafunziwa vha Baphuthisi; vho vha vho ralo, vhothe, Vhabaphuthisi. Vho shandukiswa fhasi ha mureri wa Mubaphuthisi nga dzina ḥa—ḥa, ni a vhona, Apolo. Huno o vha a mureri wa Mubaphuthisi, “Huno o vha a khou sumbedza nga Bivhili uri Yesu o vha a Kristo.”

Paulo o ri, “Naa no ṭanganedza Muya Mukhethwa u bva tshe na tenda?”

<sup>210</sup> Vha ri, “A ri ḫivhi arali hu na Muya Mukhethwa kana hai.”

<sup>211</sup> A ri, “Zwenezwo-ha no lovhedzwa hani?”

<sup>212</sup> Vha ri, “Ro lovhedzwa nga muthu muthihi o lovhedzaho Yesu, dindini ḥa madi nn̄da hafho. Izwo ndi zwavhuđi.”

<sup>213</sup> Paulo o ri, “Izwo a zwi nga shumi zwino. Ni tea u lovhedziwa, hafhu.” Huno Paulo a vha laya uri vha lovhedzwe, hafhu, nga Dzina ḥa Murena Yesu Kristo. A vheya zwanda zwawe khavho, huno Muya Mukhethwa wa ḫa khavho. Ndi zwone. Ee, muñe wanga.

Hu ḫo vha na Tshedza nga tshifhinga tsha  
madekwanā,  
Ndila ya Vhugala ni ḫo i wana;  
Kha ndila ya madi, itsho ndi Tshedza ḫamusi,  
No swiđwa kha Dzina ḫavhuđi ḥa Yesu.  
Vhađuku na vhahulu, shandukani kha zwivhi  
zwađu zwot̄he,  
Muya Mukhethwa u ḫo dzhena zwavhukuma;  
Tshedza tsha madekwana tsho swika,  
Ndi mbuno ya uri Mudzimu na Kristo ndi  
Tshithihi.

<sup>214</sup> Izwo ndi zve Bivhili ya amba. Ndi zwone. Ndi awara, ndi tshifhinga tshine ra tea u rembuluwa.

<sup>215</sup> Ni ambe, ni huwelele musi no lugela, tivhani. Huno ri ḫo ralo... [Murathu u ri, “Ro lugela.”—Mudz.] No lugela? Zwo luga, u kokodza maxarađeni.

<sup>216</sup> Zwino, Murena zwino vha ni fhađutshedze, musi murathu a tshi funza ndovhedzo. Nothe ni a kona u vhona afha? [Mukomana Orman Neville u lovhedza vhatendi—Mudz.]



*VHAHEVHERU, NDIMA YA VHUVHILI 2 TSV57-0825E*

(Hebrews, Chapter Two <sup>2</sup>)

BUGU YA MILAEDZA YA VHAHEVHERU

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Thangule 25, 1957, Thaberenakeleleni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)